

ÁHERSLUVERKEFNI SSNE 2020

Heiti verkefnisins	Upptökur á sinfónískri tónlist fyrir alþjóðlegan afþreyingariðnað.
Markmið	Upptökur á sinfónískri tónlist fyrir alþjóðlegan sjónvarps-, tölvuleikja- og kvikmyndamarkað í Menningarhúsinu Hofi. Undirmarkmið: - Fjölbreytt atvinnulíf á svæðinu þar sem hljóðfæraleikarar eru ráðnir til að hljóðrita sinfóníska tónlist, fyrir alþjóðleg stórfyrirtæki í afþreyingariðnaðinum. - Ráðning upptökustjóra og verkefnastjóra í tvö stöðugildi. - Öflug og snörp markaðsherferð á SinfoniaNord sem hágæða kvikmyndatónlistarhljómsveit. Hljómsveitin er ein fárra hljómsveita í heiminum sem hefur möguleika á að taka upp tónlist af þessu tagi í dag vegna Covid19 og því gríðarlega mikilvægt að nota tækifærið sem skapast hefur á þessum markaði til að koma hljómsveitinni almennilega á framfæri. - Aukin nýting á hótelum og veitingastöðum á Akureyri vegna þátttöku hljóðfæraleikara sem búsettir eru utan Akureyrar í verkefninu.
Stutt verkefnalýsing (mikilvægt er að verk- og kostnaðaráætlanir séu gerðar fyrir öll verkefni)	Upptökur á sinfónískri tónlist sem stuðlar að fjölbreyttu og öflugum atvinnulífi á Norðurlandi með því að veita atvinnutónlistarfólki, hljómsveitarstjórum, upptökustjórum, verkefnastjórum og tæknifólki á svæðinu vinnu við þekkt alþjóðleg verkefni sem að stærstum hluta er fjármagnað með erlendum gjaldeyri. Starfsemin krefst mikillar hæfni frá hljóðfæraleikurum, verkefnastjórum og því tæknifólki sem að því kemur. Verkefnið laðar því að sér háskólamenntað fólk sem býr yfir mikilli færni. Hljóðupptökustjórar fá aukna þjálfun og tækifæri til að læra af erlendu hljóðupptökustjórum sem gjarnan fylgja verkefnunum. Skilgreindir verkefnispættir eru: - Þrjár til fjórar upptökur á mánuði með sinfónískri tónlist þar sem að 30-70 manns fá atvinnu við hvert verkefni. - Öflug markaðsherferð með það að markmiði að laða að fleiri alþjóðleg verkefni. - Fastráðning tveggja starfsmanna; upptökustjóra og verkefnastjóra. - Komið sé til móts við þann ferðakostnað sem hlýst af því að verkefnið er staðsett fjarri höfuðborginni. Reglulega þarf að sækja sérhæfða hljóðfæraleikara til þátttöku í upptökum sem búsettir eru utan svæðisins. Afar mikilvægt er að koma til móts við þennan ferðakostnað hljóðfæraleikara til að halda verkefninu á Akureyri. Það styrkir ímynd Akureyrar sem atvinnuskapandi vettvang fyrir háskólamenntað fólk og laðar að sérhæfða

Sóknaráætlanir landshluta - áhersluverkefni

	starfskrafta til búsetu á svæðinu. Ef ekki er komið til móts við þann auka kostnað sem hlýst af legu verkefnisins getur verið hætta á að verkefnin flytjist suður.
Framkvæmdaaðili	SinfoniaNord
Samstarfsaðilar	
Tengsl við sóknaráætlun	Verkefnið fellur beint að tveimur meginmarkmiðum Sóknaráætlunar Norðurlands eystra: Meginmarkmiði 2 (bls. 17) um öflugt nýsköpunar og þróunarumhverfi og undirmarkmiði 2.1 um að styðja við nýsköpun og markaðsstarf. Meginmarkmiði 10 um fjölbreytt atvinnutækifæri á sviði menningar og lista, sérstaklega fyrir ungt fólk (10.1). Verkefninu er ætlað að vinna að þeim markmiðum sem sett eru fram í Sóknaráætlun Norðurlands eystra hvað varðar mannauð, atvinnu, nýsköpun og menningu. • Iðandi mannlíf dregur að sér fjölbreyttan mannauð. • Að atvinnulíf á Norðurlandi eystra einkennist af fjölbreytni og að til staðar verði atvinnutækifæri sem höfða til fólks á öllum aldri, með fjölbreyttan bakgrunn og menntun. • Norðurland eystra verði leiðandi á sviði menningar, lista og skapandi greina. • Öflugt nýsköpunarumhverfi með góðu aðgengi að ráðgjöf og stuðningi við fyrirtæki og einstaklinga.
Tengsl við heims-markmið Sameinuðu þjóðanna	Verkefnið tengist sérstaklega: -Markmiði 8 og þá sérstaklega 8,2 og 8,3 Góð atvinna og hagvöxtur. Stuðla að viðvarandi sjálfbærum hagvexti og arðbærum og mannsæmandi atvinnutækifærum fyrir alla • 8.2 Aukinni framleiðni í atvinnulífinu verði náð með fjölbreytni, tækninýjungum og nýsköpun, meðal annars með því að beina athygli að vinnuafsfrekum geirum sem fela í sér mikinn virðisauka. • 8.3 Unnið verði að framgangi þróunarmiðaðra stefnumála sem styðja við afkastamikla framleiðslustarfsemi, frumkvöðlastarfsemi, sköpunarmátt og nýsköpun og fjölga mannsæmandi störfum. Lítil og meðalstór fyrirtæki fái meðbyr, meðal annars með aðgengi að fjármálaþjónustu. -Markmiði 9 Nýsköpun og uppbygging. Byggja upp trausta innviði, stuðla að sjálfbærri iðnvæðingu og hlúa að nýsköpun
Árangursmælikvarðar	• Fjölgun upptökuverkefna á sinfónískri tónlist fyrir alþjóðlegan markað. • Aukin atvinna hjá hljóðfæraleikurum, hljómsveitarstjórum, upptökustjórum, verkefnastjórum og tæknifólki. • Fjölgun atvinnutónlistarmanna sem hafa búsetu á svæðinu. • Fjölgun menntaðra hljóðmanna á svæðinu. • Fjölgun fastráðins starfsfólks við verkefnið.

Sóknaráætlanir landshluta - áhersluverkefni

Lokafurð (hver verður lokaafurð verkefnisins, hver verður ávinningur samfélagsins?)	• Rekstur SinfoniaNord verði þungamiðja atvinnusköpunar fyrir hljóðfæraleikara menntaða í klassískum hljóðfæraleik. • Verkefnið rekið á heilsársgrundvelli, með stöðugu framboði upptökuverkefna. • Fastráðning tveggja starfsmanna.
Upphaf og lok verkefnis	2020 – 2021. Sótt er um styrk til eins árs
Heildarkostnaður (pr. ár á verkefnatíma)	Heildarkostnaður er áætlaður 168 m.kr. á ári miðað við 2 verkefni á mánuði í 12 mánuði. Sjá nánari útlistun í meðfylgjandi fjárhagsáætlun
Framlag úr sóknaráætlun (árið 2020 og á hverju ári eftir það, ef við á)	2.000.000 kr.
Mótframlag (ef við á)	Framlag þjónustukaupa: 144.000.000 Framlag Menningarfélags Akureyrar: 12.680.000
Tengsl við aðrar opinberar áætlanir (ef við á)	Sterk tengsl við Nýsköpunarlandið Ísland áætlun frá Atvinnuvega og nýsköpunarráðuneytinu. Sterk tengsl við Þingsályktun um stefnumótandi byggðaáætlun fyrir árin 2018–2024.